

圭齋文集

圭齋集
十
五
卷

四部叢刊初編集部

上海商務印書館縮
印明成化刊黑口本

歐陽公文集序

文辭與政化相為流通上而朝廷下而臣庶皆資之以達務是故祭饗郊廟則有祠祝播告寰宇則有詔令胙土分茅則有冊命陳師鞠旅則有誓戒諫諍陳情則有章疏紀功耀德則有銘頌吟詠鼓舞則有詩騷所以著其典章之懿叙其聲名之實制其事為之變發其性情之正闡闢化原推拓政本蓋有不疾而速不行而至者矣然必生於光嶽氣完之時通乎天人精微之蘊窮乎歷代盛衰之故洞乎萬物榮悴之情覈乎鬼神幽明之賾貫乎華夷離合之由舉其大也則極乎天地語其小也則入夫芒秒而後聚其精魄形諸篇翰渢渢乎泱泱乎誠不可尚已世有與於斯者其惟大司徒楚國歐陽文公乎公諱玄字原功潭之瀏陽人其先家廬陵與文忠公脩同出於安福今萬之後公幼岐嶷十歲能屬文逮弱冠下帷數年人莫見其面經史百家靡不研究伊洛諸儒源委尤為淹貫遂擢延

祐乙卯進士第歷官四十餘年在朝之日殆四之三三任成均而兩為祭酒六入翰林而三拜承旨蓋當四海混一之時文物方盛纂脩實錄大典三史皆大制作兩知貢舉及讀卷官凡宗廟朝廷雄文大冊頒示萬方制詔多出公手金縢上尊之賜幾無虛歲海內名山大川釋老之宮王公墓隧之碑得公文辭以為榮片言隻字流傳人間咸知寶愛文學德行卓然名世羽儀斯文黼黻治具公之功為最多君子評公之文意雄而辭贍如黑雲四興雷電恍惚而雨雹颯然交下可怖可愕及其雲散雨止長空萬里一碧如洗可謂奇偉不凡者矣非見道篤而擇理精其能致然乎嗚呼自宋迨元三四百年之間文忠公以斯道倡之於其先天下學士翕然而宗之今我文公復倡之於其後天下學士復翕然而宗之雙璧相望照耀兩間何歐陽氏一宗之多賢也不亦盛哉初虞文靖公集助教成均其父井齋先生汲方教授于潭見公文大驚手

封一帙寄文靖謂公他日必與之並駕齊驅由是文靖薦公升朝嚴譽赫赫然相埒卒符於井齋之言文靖之文已盛行公薨二十四年其孫佑持持公集二十四卷來謂瀛曰先文公之文自擢第以來多至一百餘冊藏于瀏陽里第皆燬于兵此則在燕所錄自辛卯至丁酉七年之間作爾間有見於金石者隨附入之子幸為文叙之以傳瀛也不敏自外角時即知誦公之文屢欲裹糧相從而不可得公嘗見瀛所著潛溪集不賜鄙夷輒冠以雄文所以期待者甚至第以志念荒落學識迂疎不足副公之望况敢冒昧而序其文哉雖然公文之在霄壤中上則為德星為慶雲下則為朱草為醴泉光景常新而精神無虧亘萬古猶一日序之與否尚何暇論哉佑持字公輔問學精該論議英發無愧於家學者也金華宋瀛撰

歐陽先生集序

歐陽先生集曰詩流者三卷曰鈇中者十卷曰驅煙者十五卷曰強學者十卷曰述直者三卷曰腔語者三卷其門人王師模所輯也所輯者止此作而未已者不止此先生於書無不讀其為文豐蔚而不繁精密而不晦者有典有則可諷可誦無南方啁哳之音無朔土暴悍之氣惜棄在草野不得與典謨訓誥之述作以黼黻皇度然文關於世教斯可傳矣不繫其人之隱顯學貴於知道知道斯可法矣不繫其書之繁簡先生之可傳可法者固有在矣余獨恨不登先生之堂從諸生之後而請益焉因王君請為集叙姑書以識予嚮慕之意後至元六年冬十有一月朔揭傒斯序

圭齋文集目錄

卷之一

賦

天馬賦

義門賦

頌

天馬頌

卷之二

五言古詩

舟師諸牒寄詩奉謝都水分監瑞卿監丞

送振先宗大歸祖庭并列小序于左

為所性姪題小景三首

題東坡怪石

七言律詩

大明殿早朝

試院倡和四首

相臺

祭祖墓二首

祭祖墓于防里用春洲先生韻

送李宜忠之教寧州

竹間

敗筆

郊天禮成應制

謝恩日呈同年

比干墓

接花木



童清

過洞庭二首

侍宴北省

春洲壽慶堂

寄許叅政

謝家建通濟橋

夜宿寺前農家

贈西明道人

劉江

昌山

讀鑄養吾虞青城書

聽秋居士園池

鑄草亭詩冢

排律

賜經進官酒次蘇伯愐韻

謝德盛春萱堂

卷之三

七言絕句

喜門生中狀元四絕

試院偶成及寄諸弟

試院偶題贈吳齋六首

所貴姪梅

為所性姪題小景

所性姪家藏東坡看竹圖

所性姪藏所翁全身戲珠龍

漫題四絕

折枝海棠

萬竿烟雨圖

墨竹

驢上曉寒圖

瀟橋風雪圖四首

宣和梅雀

一行禪師講經

顧子虎

再題臨川別卷

三牛圖

萬竿圖

宋徽宗蘭圖

高宗御書

陳搏睡圖

雪夜訪戴圖

吳西村雪霽圖

老蒲萄

蒲萄

子昂雪鵲

墨荔枝

劉山立梅圖

天師月梅圖

寒雀梅

榮碧潭全身龍

榮朝瑞正龍

榮建翁家藏所翁龍

吾友龍頭

壽卿龍頭

醉翁亭障為南翁作

山間山水手卷

贈翠壁珣講主

武三思雙陸

贈雲溪真

贈彭漢節

永清觀天欄

過高郵

偶題

栢庭和尚

贈歐陽震遠

寄山村兄

京城雜詠八絕

美夏圖

永清寺白巖清暉方池古松四韻

昭文携琴圖

和寶雲長老漱一清二絕

逢江易藝芳干賦芳洲

早禾田歐陽琅溪四絕用歐陽公琅琊為韻

春江釣艇圖

贈振先歐陽文

東山春景

歐陽公牡丹詩

蒲萄二首

分宜趙尹所藏子昂竹石圖

卷之四

歌

畊學問答

四時百子圖

趙菊山文肅公閱武像

山莊所藏東坡畫古木圖

簡劉相公歌

贈趙祥表梢

詠春閨怨

和柯博士歌

和李溉之舞姬脫鞋吟

贈畫公黎仲瑾舞碧山

子美尋芳圖

紫微老人大字歌

送錫子簡之武昌學正

送聶以道之官武昌

示姪

曜海朝天龍

道吳山

大圍山

奉勅題明皇馬

雜體

鄉之垌古樂府有序

漁家傲南詞并序

卷之五

記

道州路重脩濂溪書院記

貞文書院記

袁州路繕脩記

安成李氏重脩安賢義塾記

趙忠簡公祠堂記

保靚祠堂記

安先生祠堂記

秀川羅氏祠堂記

仰更齋記

吳氏觀樂齋記

懋齋記

譚氏蕭山記

芳林記

卷之六

記

分宜縣官題名記

分宜縣學復田記

求志堂記

世綵堂記

坦明堂記

繼善堂記

精道堂記

讀書堂記

聽雨堂記

霞外庵記

永思庵記

臨溪亭記

竹西亭記

其樂亭記

卷之七

序

防里歐陽氏族譜序

彭氏族譜序

白石周氏族譜序

後林周氏族譜序

廬陵中州劉氏族譜序

國朝名臣事略序

廬陵鍾氏通鑑綱目書法後序

忠史序

虛籟集序

至正條格序

奕序

考古臆說序

鈴岡續志序

風雅類編序

潛溪後集序

易問辨序

鈴南道士歐陽賓賓詩集序

梅邊先生吾汶集序

環山詩藁序

卷之八

序

王振詩序

梅南詩序

李宏謨詩序

李希說詩序

鍾執中詩序

蕭同可詩序

羅舜美詩序

月樓上人詩序

鄭以道文集序

劉桂隱先生文集序

族兄南翁文集序

贈李敬求序

送虞德脩序

送鍾文廷之清江錄事序

送翰林應奉李一初南歸序

送鍾仲宣歸隱東山序

送鍾仲賓歸安成詩序

送伍成均南歸序 慶劉一山八十序

卷之九

神道碑

許文正公神道碑 趙文敏公神道碑

賈酸齋神道碑 虞雍公神道碑

碑文

曲阜重脩宣聖廟碑

江陵王新廟碑 洞淵閣碑

張齊郡公先世碑 趙忠靖公馬合馬碑

卷之十

墓碑銘

鐫御史墓碑銘 周判官墓碑銘

鄭府君墓碑銘 劉聘君墓碑銘

段徵士墓碑銘 劉更齋墓碑銘

鐫桂隱墓碑銘 歐陽山村先生墓碑銘

歐陽南谷墓碑銘 龍母吳氏墓銘

劉梅國墓銘 揭文安公墓誌銘

劉縣尹墓誌銘 羅錄事墓誌銘

曾秀才墓誌銘 歐陽奇翁先生墓誌銘

卷之十一

序表

安成鍾氏儒行序表

哀詞

蕭同善哀詞

傳

高昌侯氏家傳

卷之十二

經疑

問夫子以小器稱管仲而又以其仁許之何

也

問孟子以隘與不恭稱夷惠而又以聖人百世

之師推之何也

書義

禽受敷施九德咸事俊又在官百僚師師百工

惟時

策

問今天下之事 毋泛毋畧

制曰朕聞聖賢之君之治天下也或恭己無為

或不遑暇食 朕將親覽焉

卷之十三

詔表 冊文

命相出師詔

再命出師詔

進遼史表

進金史表

進宋史表

進經世大典表

明宗皇帝尊號冊文

銘

友吾銘

敬心齋銘

說

楊鑒鑒之字說

劉叔籽字說

族子章晦字說

李觀尚賓字說

彭以恭字說

琅溪說

彬彬說

齊吾說

奇峰說

明軒說

錙恭安說并銘

卷之十四

題

北行錄

安成劉氏家譜

西平李氏族譜

衆芳所存

彭功遠先世手澤

南谷居士自贊像後

五馬圖

草虫圖

娛拙集

白麟溪三大字後

太師右丞相畫墨竹

跋
御賜石刻千文搨本後

遠林錙君墓銘後

跋王大年詩帙

跋劉士行墓誌銘

羅孺文族祖澗谷墓

歐陽文忠墨蹟跋

眉壽二大字跋

沁園春跋

跋先公與南谷先生

卷之十五

贊

御書九霄贊

麟鳳二大字贊

潘雲谷墨贊

羅漢像贊

充文忠公像贊

自贊

山村先生像贊

秉彝像贊

靜脩先生像贊

默安先生像贊

蘇先生像贊

蘇郎中像贊

魯文迪贊

錙伯常贊

題陽明軒太玄子龍

跋

寶雲禪寺題疏

書啓附

與所性姪書

卷族兄南翁書

與意山先生書

回所中書

回所立書

回錙申齋先生書

答劉桂隱書

答孫春洲書二

與張憲使書

慰國博喪母書

與鐫文廷書

與鐫文廷啓

回許叅政啓

祝告文

太祖以下祝文

明宗皇帝附廟祝文

焚黃祝版

焚黃告后土

防里祭祖祝文二

祭后土文二

祭揭侍講文

祭子達老文

卷之十六

附錄

神道碑

行狀

傳

像贊

文忠跋

文廷答圭齋啓

許有壬與圭齋啓并詩

文廷次圭齋偶題

圭齋文集卷之一

宗孫銘鑄編集
安成後學劉鈺校正

賦

天馬賦

翳房星之委精鍾天馬之權奇操神質於溼漚砥勁氣於月氏貞非坤牝健本乾為上分扶輿之秀下孕蛇蟠之縈風雲資其格力雨露澤其光儀膺廣鳳騰鬣秀毫鬚首昂渴鳥之勢影捷杜矢之馳於是陋駒駝之產邁麒麟之姿駭六飛於廣漠舞九奏於希夷若乃朝刷崑崙夕秣玄圃駕猴篋之子晉道霞觴於王母風舟舟兮斯征靈縮續兮來寧覽熙世之德輝屬萬物之欣覩願陪禁衛自獻西土乃命移中戒造父釋雲幕於金鞍暖孚尹於瓊戶出則鏘和鸞駮輿組媚日馭之先華展天衢之步武然其氣質不可求之驪黃之餘其芻秣不可界之阜樞之伍峙玉山之殖未足供其飽委金臺之貲未足議其估是知天馬固難得而不易畜也所以罕見於盛時僅聞於前古時則有倣鄒枚請廣樂府而客或難之曰時方歌鹿鳴之章子乃為天馬之賦得無馳駕鼓車者寧不與此而迥殊也哉嗟夫寶不自貴以人而貴物不自異以人而異方神駒絢綵於水涯固期驚芳之同滯至其裂磐矢而庭實竟乃自齒於天駟信物美而無所遺兮亦奇才之能自致負盛車而上太行者慨

未遇夫伯樂伏阜樞而志千里者又何慙乎老驥振長鬣而一嘶兮異識余之所意壙埃風而上征兮願借翠雲以為鞍隨飛龍而上下兮羞先路其焉避彼豈乘虛而騰踏兮追雲逐電之可異也庶幾求之玄黃之外兮則亦駿骨之可市也

辟雍賦

皇風清寧人文盛開京師崇天下之本國學萃天下之才粵若稽古爰自蒼姬始號辟雍昉歷代聲名之盛本大射行禮之官其規矧於文武其度講於周公節觀者於四面壅流水以環中若乃道闊邃嚴義闡軒朗澄源止而不泥文瀾溢而不滂肉好適半如璧之象茲乃辟雍之初所以名狀也或在靈臺或在鎬京靈臺者為文王所建鎬京者為武王所營茲乃辟雍之初非一地而同一名也或習射兮觀德或養老兮興孝隴九有之俊髦軌萬方之則效茲乃辟雍之初非一事而同一教也迹其建侯設鵠矩矱圓冠褒尺講事君之敬刻注視立已之端斯則辟雍之習射天下之盛觀鮒背鶴髮尊傳臨師祝嘏以膳授几以浴斯則辟雍之養老天下之盛儀閭閻啾啾泮魚夷猶覽上國之光華踵賢關之雋游斯則辟雍之養士天下之名流有客聞之曰子於成周之制講之詳矣於異代亦有兩微乎泝觀炎劉治盛中世臨雍再拜化及四裔粟流萬里就學遺賢鼓篋園橋

以億萬計于斯時也辟雍亦可謂盛矣愚曰未然子徒慕先漢之遺風若未覩今日之文治我國家敷教之所暨也東踰若水之日津西探崦嵫之月窟南窮火維之陬北際冰天之落文軌之治既同弦誦之風四被視寰海為一辟雍陶同宇為一庠序於是在天則應璧府圖書之祥在地則產孔廟金芝之瑞藏曲阜之特祠實飛龍之首歲乃擇成均之師申宵監之制三年而科詔頒文治蟬日星乎曠世之條風霆乎多士之氣將見自今以始彼漢之億萬尚敢與今日同年而語哉大抵惟聖人能盡君師之職惟吾道能並天地而存惟養賢為額俊尊帝之大務惟建學為化民成俗之大原睹此辟雍屹乎本根固頤為今日之賦者續古之頌被之和聲叶之永言前以光八百年之成周後以開萬億載之皇元

義門賦并序

宣文閣授經郎鄭君浚常以其家乘示余曰浦江鄭氏義門文錄歷覽諸作蓋彬彬焉他日謁予一言為作義門賦辭曰

翳伯僑之裔孫兮紛振振其好脩承世熾之蟬嫣兮寧隱耀而發幽循義路以允蹈兮擇仁里而相攸被芳潔以為朋兮襲溫良以為裘將孝弟以為車兮方敬讓以為舟歷九世而共慶兮壹乃心之休休曰五倫之於日用兮實有生之大猷父慈愛之恂恂兮子色養之油油

若君臣朋友之際兮必忠信之與謀於睦鄰其有惠兮在任卹其有矜閭儀雍雍以賓退兮家政凜凜其陽秋長者施其令則兮少者孝乎順柔珪赴弟以瘦死兮綺代親而自囚史何感乎緹縈兮詩何嘆乎原隰之夏嗟高風之卓絕兮嶺艱貞乎何尤爰孜孜於稽古兮悉聖訓之是蒐陳時祀之秩秩兮戴首弁之倬倬述五禮以為儀兮樂至和而不流以予觀於往昔兮將公藝之可傳我歐公之史五季兮書旌表之法周門築壇以綽楔兮柱雙立而烏頭雪霜貿貿於當世兮松栢岑蔚手故丘矧皇元巍巍乎有天下兮化丕冒於海陬敷懿行於四國兮播令聞其若鄰聞孫起家而交辟兮列相第之前籌尋重席於官庠子微聲華於冕旒信積善之有報兮寧通龍光之綢繆也

墨梅賦

伊江梅之受命泊與澹其相遭灼天地之太素亂水雲兮齊高方三冬之搖落索群木於秋毫悅迴溪與轉嶺發孤朕於蓬蒿枝苔封以瑩寒盡玉切而華膏表萬有以獨聖誰與子兮同袍何佳人兮黯然阻煙霧於林皋豈皎潔之冒疇抑輝光之在韜彼翰墨之託寄亦何異手風騷撫尺素而太息心臨遠而怆怆何以慰兮空谷瀟瀟中之濁醪感外物之變化謹內志之持操物交物以不滌我與我而焉勞世不辨兮奚尤已或戾兮焉過

與昭質之自虧從見笑於繁桃於茲花其何有懼天下之滔滔奚附意於守墨以傳誨於兒曹

頌

至正二年壬午七月十八日丁亥皇帝御慈仁殿拂郎國進天馬二十一日庚寅自龍光殿勅周郎貌以為圖二十三日壬辰以圖進翰林學士承旨嶠嶠傳旨命侯斯為之贊臣惟漢武帝發兵二十萬僅得大宛馬數匹今不煩一兵而天馬至皆皇上文治之化所及臣雖駑劣敢不拜手稽首而獻頌曰

天子仁聖萬國歸天馬來自西方西玄雲被身兩玉蹄高踰五尺脩倍之七渡海洋身若飛海若左右雷霆隨天子曉御慈仁殿西風忽來天馬見龍首鳳臆目飛電不用漢兵二十萬有德自歸四海羨天馬來時庶昇平天子仁壽萬國清臣願作詩萬國聽

圭齋文集卷之一終

圭齋文集卷之二

宗孫銘鏞編集
安成後學劉鈺校正

五言古詩

舟次諸師寄詩奉謝都水分監瑞卿監丞

抱疴辭承明買舟海官師襟襟正無悰蓬底可容納舳艫尾相銜密次若鱗甲憶初離神京餘暑尚揮箠淹留近秋杪朝英欲添袂紆傳進元策圭介奉一札使君適分監羸縮制有法得書即欣然愛我翰素狎遣騶護輕舟快若歷三峽鄉心鷹脫鞚野性兕出押昔憂阻殺滯今喜泛若雲黃蘆間蒲稗綠藻暖鳬鴨舒懷對幽景寓目成畫夾公堂為展席觴客禮意洽病子難却酒亦復飲盈呷吁嗟逆旅途知己元不乏相期遠大器留詩當盟款感蒙辭則長欲賦慚韻狹

送振先宗丈歸祖庭并列小序于左

歐公孫子多學派以為四暮年歸穎陰非無首丘志乞洪不得請由是憊歸計致公生平言亦頗憾先世先世多才賢生適逢五季輻輳政分裂盡瘁於所事竟之垂世名蓋亦限地勢况復公少孤坎壈蜀漢商身當混一秋代逢承平際擇里審所安實恐輦轂地子孫托畿內宦轍亦云易人情曷免爾公豈溺聲利詎知返簞移南北尋睽異一枝先南邁司造有深意沙溪標德里瀧岡重塋祭至今青原家十世祀不替振先吾宗吳守正恥

散散閨閣保家法處約不少懟嘉樹無由枝鼎穀無穗
滯原本既不九時需諒無棄矧今倫俊髦往往論根器
老夫辭冊府多病久憔悴徒懷薦士心言莫士軒輊賦
詩當推轂自愧辭已費懂懂青雲友誰如古人誼

歐陽公晚年乞守洪州累表不得請於是歸江右之
志遂不果余詩所謂其居偏方熟於歐文者能知之
蓋公之不歸廬陵其志深有所諒者矣南渡以後宋
人多議公此事洪景廬楊廷秀之賢亦未免有此意
甚者謂公此事洪景廬楊廷秀之賢亦未免有此意
近年奉詔脩三史一日於翰林故府中攜金人遺書
得元遺山裕之手寫壬辰襍編一帙中言安平都尉
完顏斜烈漢名鼎字國器嘗鎮商州偶搜伏於竹林
中得歐公子孫甚多以歐公之故并其族屬鄉里三
千餘人悉縱遣之則知未嘗殲于金兵也此好事者
為之辨明矣元遺山金士領袖生平極重歐公嘗有
詩云九原如可作吾願從歐陽北人至今佩服其言
振先歸以似鄉先生桂隱劉公一觀

為所性姪題小景三首

林廬滄踈煙歸帆泊沙渚披圖得空闊總是經行處
寒屋施基古踈煙野樹春遙遙濟川者應是此中人
浦口歸帆落沙頭行客回林間酒旗出快看一篙來
東坡怪石

我懷赤鯀仙此心已穿透憶曾攬虎豹今與鶴俱瘦

七言律詩

大明殿早朝

扶搖萬里上青霄鳳闕龍池步步蹁跹背負珠金絡索
象身備駕玉逍遙衣冠俯伏傳呼徹千羽低回看舞韶
湖海布衣瞻盛事他時田野夢天朝

試院倡和

仁皇下詔急求賢棘批當時偶在前兩榜復科新大比
三人聯事舊同年閑山道路尋常夢臺閣風雲咫尺天
但使得材今勝昔吾儕寧復嘆華顛

張子能詩檀士林無時無地輒披尋文章咫尺不相見
春興幾多應自吟鍊字直契成白首知音有待鑄黃金
何時尊酒論真訣要自康謠說到今

進講金華集眾賢禮闈命拜君前花推蠟炬全清夜
餅餠紅綾憶昔年龍尾步隨黃閣老鵲頭書下紫微天
南宮群彥時相問何似官街有米顛

至正羣興郡國賢威儀重見甲寅前杏園花發當三月
挂苑香銷又七年豹隱山中文澤霧鵬搏海上翼垂天
明時禮樂須奇俊莫道儒生自聖顛

相臺

南是東南裴相臺綠溪一徑踏蒼苔此日城闌少人到
當時公府棄官來禪床象屋留光雨書治蛙聲噪鞠灰

泉石至今有貴然山靈應解識三台

至正壬午十一月十三日祭初祖墓早仰更秘

書有佳句見勞勿勿奉酌嚴押

白髮甘泉桑棣官歸來曳履上吟壇故山虎豹多文采

白水蛟螭有屈蟠謁客及門容履滿賢文益盛借燈看

百年省墓償初志心憶先親痛苦劓

青春萬木一根荻一一春工妙剪裁願我乞歸懷穎水

羨君訪隱到天台題橋肯學相如志誓墓慚無逸少才

但喜陽剛將景進明朝緹室動葭灰

至正壬午十一月十三日祭始遷祖墓于防里

村心是日春洲先生有古律四首紀其事玄用

韻奉荅

道左遺墟三百載曾孫疊石作階基儒家冬至祭初祖

客子異鄉未遠爰白髮始備桑梓敬青編久廢夢我詩

無由作吏守墳墓願訪故山耘紫芝

與公俱乏濟時具舊日相思不得過南國寄書川路永

西樓剪燭兩聲多池邊黃鶴有人賦門外驪駒先客歌

但得茆齋相伴處臨風遙想玉為珂

陶令歸來謀作室孟郊老去乏應門政緣踈懶動遐思

無奈過從求贈言平江曲澗助盤屋複嶺層巒如浩疊

歲晚胡為滯空谷萋萋芳草怨王孫

十年玉署絲綸手新把漁竿傍釣磯平生亦愛將蘭蕙

歸日惟知求歲微千祿郎君離絲侍校關老子賦緇衣

山中薦士書長寓弱翰猶能為客揮

廣文家住白芒原唐世忠臣閣閣存寧郡喜迎新博士

邦人特重舊王孫楊花絳帳春雲陣苔蘚丹書暮雨痕

向使汾陽睇曉在應慚詩禮在名門

竹澗圖

青林翠嶽俯江郊谷口湍流巨石坊憂玉萬竿鳴水樂

垂紳雙瀑盪雲旂風漪靜浸蒼龍影月瀨光搖紫鳳巢

歌罷商巖採芝曲兩翁翰墨定神交

敗筆

秋拈秃筆似愚慵曾為雲煙掃墨松脫穎荒涼空憶兔

舊腰消瘦久如鋒小臣奏事冠初免敗將降胡甲不重

老矣此心無可用少年豪氣為誰雄

郊天禮成應制

紫壇黃幄夜無風牡壁初陳月正中瑞靄霏微成五色

神光烜赫暎重瞳千官屏息瞻天表萬國關心在聖躬

清曉慶雲高捧日蕭韶前導駕還宮

謝恩日呈同年

把劍風簷日欲曛偶從甲舍得高文煙雲過目猶能記

花柳逢春各自欣奇字擬從楊執戟俊才端屬鮑參軍

客來為我傳新作筆硯無忘舊榮勳

比丁墓

獨夫臺上醉紅裙七竅丹心豈忍聞白日已隨流水沒
青山猶護太師墳忠肝一片埋秋草直氣千年起暮雲
我亦停驂薦蘋藻太行落木正紛紛

換花木

園丁妙手即花神換葉移枝偽脫真刀剪豈能傷化力
色香無復記前身春深自有鸞膠續歲久行看鶴膝伸
堪嘆微生亦如此牛為馬後呂為秦

壺清

朝飲魯冰淪性靈夕食秋露引脩齡江湖大勢中無物
海嶠方壺外有情貌示神巫機闔醉邀市掃酒芳馨
何人欲作先生傳長憶寒菹月滿庭

過洞庭二首

白紗隱隱見金釐殿閣憑虛結構牢天水渾融浮大極
神人幽顯隔秋毫龍堂深闊靈樞冷象緯低垂客枕高
欲作廟堂迎送曲杜紅蘅碧盡離騷

媧皇搏土擲虛空屹立君山面勢雄一畫橫圖天地骨
九江鯨觀鬼神功裾飄帝子蒼茫外樂奏鈞天瀕洞中
頗幸當年鄒魯客觀瀾未到楚諸熊

侍宴北省

臣本江南一布衣恩榮今日及寒微合纓列宿光相射
湛露迎陽晝未晞仙醞飲來生羽翼宮花留得奉庭闈

酒闌車馬如流水回望紅雲遠闕飛

孫春洲壽慶堂

孫母歐陽九袞登外家譜謀自廬陵高年備養人俱美
同姓升堂我未能好客郎君深巷轍讀書稚子小窓燈
朝廷優賜尚方帛更待迴鸞織綵綾

寄有壬許參政

京華白髮滌塵埃喜見文場開復開自是曹參當樂相
不然王式有輕來上躬藻火敷無補聚口益梅屬有材
素志已酬歸欲早相期濁酒坐莓苔

澧州謝家建通濟橋

慶雲籠日護雲根玉樹董鄺接澧沅大傳功留召伯埭
相君心競謝公墩已誇蟬螭綿今古猶羨封胡偉弟昆
珍重盧溝溝上月隨時車馬勞于門

夜宿寺前農家

漢南旅店已星稀倦宿田家帶落暉蕭寺依山聊復爾
鄴侯送酒是耶非風餐并覺涼生飯露坐俄驚月在衣
老子漫遊吾漫送登山臨水澹忘歸

西明道人

武昌堤上水雲身三十年来識道人只為漫遊相見少
故知臨別贈言頻憧憧車馬紅塵老靡靡江山白髮新
邂逅一回詩一首錦囊千首未為貧

瀏江